



Hóplíftrygging starfsmanna fjármálafyrirtækja

Skilmáli H-1

Grundvöllur tryggingarsamningsins eru skilmálar þessir og önnur gögn sem tengjast samningnum, bæði við upprunalega gerð hans og síðar, ef ábyrgð félagsins hefur fallið niður eða takmarkast og þess hefur verið óskað að tryggingin taki gildi aftur.

Skilgreiningar

Félagið merkir Vörður líftryggingar hf. sbr. a. lið 1. mgr. 62. gr. laga 30/2004.

tryggingartaki" er sá sem gerir hópvátryggingasamning við félagið um líftryggingu sbr. b. lið 1. mgr. 62. gr. laga 30/2004.

"Tryggður" merkir sá maður hvers lífs eða heilsu tryggingin tekur til.

„Samningur“ er það samkomulag sem í gildi er milli félagsins og tryggingartaka um trygginguna. „Samningstími“ er sá tími sem líður frá útgáfudegi skirteinisins til þess lokadags sem þar er skilgreindur „tryggingaratburður“ merkir andlát hins líftryggða fyrir lok gildistíma tryggingar.

„Tryggingarfjárhæð“ merkir þá fjárhæð sem til greiðslu kemur ef tryggingaratburður verður, og er í formi eingreiðslu

"Fjármálaeftirlitið" er opinber eftirlitsaðili sem hefur eftirlit með starfsemi tryggingafélag hér á landi skv. lögum nr. 60/1994 og síðari breytingum

"Vísitala" er vísitala neysluverðs til verðtryggingar.

1. Kafli

1. gr. Upphaf og lok ábyrgðar félagsins

Samningstími tryggingar er skráður á tryggingarskirteinið. Trygging gildir fyrir það tímabil sem tilgreint er á tryggingarskirteini eða iðgjaldskvittun. Trygging endurnýjast eitt ár í senn. Hafi tryggingartaki hug á að segja samningi upp skal það gert skriflega og innan mánaðar frá því að félagið sendi tilkynningu um gjalddaga hins nýja endurnýjunartímabils. Tryggingarvernd einstakra þátttakenda tekur gildi ef þeir verða fastráðnir hjá því fjármálafyrirtæki sem telst tryggingartaki með þeim takmörkum sem greinir í samningi. Ekki er krafist heilsufarsupplýsinga frá einstökum þátttakendum í hópnum. Líftrygging einstakra þátttakanda fellur úr gildi ef þeir hætta störfum hjá tryggingartaka. Tryggingarvernd þessi fellur niður í lok þess árs er þátttakandi nær 65 ára aldri.

2. Kafli

2. gr. Iðgjaldagreiðslur og vanskil

Greiða skal fyrsta iðgjald þegar vátryggingin gengur í gildi og síðari iðgjöld á tilgreindum gjalddögum. Vátryggingartaki fær 30 daga frest til greiðslu frá þeim degi sem félagið sendir tilkynningu um greiðslu til hans. Sé iðgjald enn ógreitt þegar greiðslufresti líkur sendir félagið vátryggingartaka tilkynningu með áminningu um vanskil, þar sem gefinn er 14 daga lokafrestur til greiðslu. Krafa um greiðslu er send á heimilisfang vátryggingartaka sem tilgreint er í þjóskrá nema hann hafi tilgreint annað heimilisfang sérstaklega. Skirteini þetta fellur úr gildi ef tryggingartaki vanrækir að greiða iðgjöld að loknum veittum fresti. Tryggingartaka ber enga að síður að greiða iðgjald fyrir það tímabil sem tryggingin var í gildi. Í upphafi hvers tryggingarárs skal áætla iðgjald samkvæmt upplýsingum vátryggingartaka um fjölda starfsmanna. Vátryggingartaka er skylt að láta félaginu í té, innan tveggja mánaða frá lokum vátryggingarárs, allar nauðsynlegar upplýsingar til endanlegrar iðgjaldsákvörðunar. Vanræki tryggingartaki að gefa upplýsingarnar í tæka tíð má félagið ákvarða endanlegt iðgjald. Verði verulegar breytingar á fjölda einstaklinga í hóp innan tryggingartímabils (t.d vegna sameininga) ber tryggingartaka að tilkynna það tafarlaust til félagsins sem gerir viðeigandi breytingar á tryggingu.

- 3. gr. Bótasvið**
Félagið greiðir réttthafa bætur ef tryggður deyr á gildistíma tryggingarinnar.
- 4. gr. Réttthafi bóta**
Réttthafar dánarbóta eru háðir fjölskylduhögum í samræmi við gildandi kjarasamning milli Sambands starfsmanna fjármálafyrirtækja og Samtaka atvinnulífsins.
- 5. gr. Uppsögn**
Félagið getur sagt tryggingunni upp ef rangar eða ófullnægjandi upplýsingar hafa verið gefnar við töku trygginga eða tryggingartaki svíksamlega vanrækt upplýsingarskyldu sína sbr. 2.mgr. 76.gr. laga nr. 30/2004.
- 6. gr. Svik og rangar upplýsingar**
Hafi tryggingartaki svíksamlega vanrækt upplýsingaskyldu sína til félagsins um atvik sem haft geta áhrif á mat þess, fellur ábyrgð félagsins til tryggingar eða bótagreiðslu niður í heild eða að hluta sbr. 83. gr. laga nr. 30/2004. Rangar og ófullnægjandi upplýsingar veita félaginu ennfremur rétt til að segja tryggingunni upp, sbr. 84. gr. laga nr.30/2004. Svo og öðrum tryggingarsamningum sem það hefur við tryggingartaka án fyrirvara.
- 7. gr. Hvar gildir tryggingin?**
Tryggingin gildir hvar sem er í heiminum
- 8. gr. Takmörkun á ábyrgð félagsins**
Svipti tryggður sig lífi innan tólf mánaða frá gildistöku er félagið laust úr ábyrgð, nema sannað teljist að sjálfsvíg hafi ekki verið haft í huga við töku tryggingarinnar, sbr. 2. mgr. 89. gr. laga nr. 30/2004. Dánarbætur greiðast ekki ef þátttakandi deyr af völdum slyss og dánarbætur greiðast úr samningsbundinni slysatryggingu
- 9. gr. Tryggingarfjárhæð og verðtrygging**
Tryggingarfjárhæð er samkvæmt gildandi kjarasamningi Sambands starfsmanna fjármálafyrirtækja og Samtaka atvinnulífsins. Tryggingarfjárhæðir eru háðar fjölskylduhögum þátttakanda svo sem nánar greinir í kjarasamningi. Tryggingarfjárhæðir taka breytingum tvisvar á ári í samræmi við breytingar á vísitölu neysluverðs svo sem nánar greinir í kjarasamningi. Tryggingarfjárhæð þátttakanda sem eru eldri en 60 ára lækka um 4% af grunnfjárhæðum samkvæmt kjarasamningi fyrir hvert aldursár umfram 60 ár.
- 10. gr. Greiðsla bóta og vextir**
Tilkynna skal félaginu um andlát hins tryggða án ástæðulausrar tafar. Tryggingarfjárhæðin skal greidd eigi síðar en 14 dögum eftir að nægar sannanir fyrir greiðsluskilyldu félagsins hafa borist því. Réttthafi bóta á rétt á vöxtum af kröfu sinni skv. 123. gr. vátryggingarsamningalaga.
- 11. gr. Framhaldstrygging**
Gangi einstakur þátttakandi úr hópnum vegna starfsloka hjá tryggingartaka er félaginu skylt að veita honum án nýrra heilsufarsupplýsinga samskonar tryggingu og hann hafði í hópnum. Iðgjald þeirrar tryggingar reiknast eftir gjaldskrá félagsins fyrir einstaklingabundnar líftryggingar. Skylda til þess að upplýsa þátttakendur í hópnum um rétt til framhaldstryggingar hvílir á tryggingartaka. Réttur til framhaldstryggingar fellur úr gildi þremur mánuðum eftir lok samnings eða úrgöngu úr hópnum.
- Félagið greiðir kostnað við öflun gagna sem félagið telur nauðsynleg til afgreiðslu málsins og aflað er að beiðni þess. Félagið greiðir ekki kostnað vegna lögmannsaðstoðar né heldur annan kostnað sem stofnað er til vegna tryggingaratburðar án samþykkis félagsins.
- 12. gr. Fyrning**
Kröfur um bætur úr tryggingu þessari fynast samkvæmt reglum 125. gr.laga nr.30/2004.
- 13. gr. Endurkaupsverðmæti og lán**
Líftrygging þessi hefur ekki endurkaupsverðmæti og veitir ekki rétt til lántöku hjá félaginu.
- 14. gr. Breyting á iðgjaldsgrundvelli**
Félagið áskilur sér rétt til að breyta iðgjaldsgrundvelli verði veruleg breyting á dánarlíkum. Slíkar breytingar eru háðar samþykki Fjármálaeftirlitsins. Félagið greiðir kostnað við öflun gagna sem félagið telur nauðsynleg til afgreiðslu málsins og aflað er að beiðni þess. Félagið greiðir ekki kostnað vegna lögmannsaðstoðar né heldur annan kostnað sem stofnað er til vegna tryggingaratburðar án samþykkis félagsins.

15. gr. Þagnarskylda og persónuvernd

Félagið og starfsfólk þess fer með upplýsingar um trygginguna sem trúnaðarmál. Félagið notar persónuupplýsingar sem aflað er vegna tryggingarinnar aðeins við mat á tryggingarbeiðnum og við afgreiðslu bótakrafna.

16. gr. Meðferð ágreiningsmála

Með frágangi formlegs málskots og greiðslu málskotsgjalds er unnt að leggja ágreining um bótaskyldu, sök og sakarskiptingu auk ágreinings um atriði er varða ákvæði laga nr. 30/2004, fyrir Úrskurðarnefnd í váttryggingarmálum. Þjónusta þessara aðila eða málskot til þeirra skerðir ekki rétt hlutaðeigandi til að leggja málið fyrir almenna dómstóla hér á landi.

17. gr. Varnarþing

Mál sem kunna að koma upp vegna tryggingar þessarar skulu rekin fyrir Héraðsdómi Reykjavíkur

18. gr. Lög um váttryggingarsamninga

Að öðru leyti vísast í skilmála á samningi eða öðrum gögnum sem samningurinn byggir á, tryggingarskírteini og lögum um váttryggingarsamninga nr. 30/2004. Félagið leggur ríka áherslu á öryggi og trúnað við meðferð persónuupplýsinga. Upplýsingar um viðskiptavini félagsins eru ekki afhentar þriðja manni nema samkvæmt skýru umboði, lögum eða dómsúrskurði.

Skilmálar þessir gilda frá 01.07.2024